

չարչարուած պառաւ մի կին եկեղեցիի դռան հետ խօսում էր: Իմ ներկայութիւնս նա չզգաց իսկ: Թշուառութեան ուրուականը վայր էր ընկել քանդուած մի բանի նման, դաստակները աւեր կը քրին էր գարնում, դուռը համբուրում, ախրերը երկարում ու խօսում, խօսում...

Արցունքներս կուլ տալով, վերադարձայ խուցը:

* * *

Այն օրը, հմտալից առաջնորդի հետ, սլառտեցիներ կիսաբանդ թմնդարանը եւ ման եկանք մանրանկարների ոսկեզարդ դաշտերում:

Մայր եկեղեցիի առջեւ նորից կանգ առինք մեր մտքի էական դժերը որոնելու համար եւ ցեղային հիմնական ոճի շուրջը վիճեցինք:

Դարեր առաջ, հայ ողու սեռոգծազործական թափը իր գոյացման սկիզբնասկիզբը նշաններն էր ստեղծած, իր բարդ լինելիութեան հիմնաքարն էր գետեղած ու այն աննշմարելի երաժշտականութիւնը, որը քարերի միջից խօսում էր մեր հողիներին: Յեղային հիմնադեբը ներկայանում էին այստեղ ամբողջացած, բիւրեղացած, դերագոյն ներդաշնակութեան ձեւով: Այստեղ մենք ապրում ենք իրական կեանքով: Դարերը, չնայած իրենց ահաւոր դրոհին, չեն կարողացել դիմադուրի անել մեզ, չնորհիւ այդ հրաշքին, անենթակայ այդ բովանդակութեան, տիեզերական հիմնական մտքի այդ կառուցողական ուժին:

Ու միտքը՝ պարտադրական եւ անհրաժեշտ՝ քայլել է երկրագնդի վրայից դէպի արեւելք եւ դէպի արեւմուտք, դէպի Բիւզանդիոն, դէպի Կիւիվ, Յունաստան, Բուսանիա, սլաւոնական երկիրները, Ֆրանսա, Գերմանիա, Նորվեգիա, Հոլլանտա, Անգլիա, ու այսօր ամէն տեղ հայ հանճարը ներկայ է: Ներկայ է հայ մտքի շունչը, հայ ողու տարերային թռիչքը, հայ դմբէթի թեւառորուած սլացումը:

Իսկ այստեղ՝ հրաշալի ծննդի սուրբ երկրում, բացակայ ենք մենք: Եկել ենք օտար պատմարանների գրքերը մեր ձեռքին եւ զարմացած դիտում ենք: Շոյում ենք մեր ինքնասիրութիւնը, միխթարութիւն ենք փնտռում: «Տօ՛, մեր Համօն մարդ է եղել մենք չգիտէինք: Խաչքարները որ փչում տանում էինք ախոռ շինելու համար՝ հին քար ա՛րթէք ունին ե-

ղել»... Տէ՛ս բանը ինչին է հասել, որ կտորած սիւնի վրայ դիրք են դրում»:

Հայ ուղեղի մէջ սողալով ներս է մտել իմաստակութեան եւ առաջադիմութեան որդը: Ամէն ինչ հարթել եւ սպաննել է: Գիւղացուց սկսած մինչեւ վարժապետը, մինչեւ համալսարանականը, մինչեւ կաթողիկոսը՝ խաչքարերով ախոռ են շինել, արել ու քանդել են յանուն «գիտութեան» եւ «քաղաքակրթութեան» ու այսօր յանուն քաղաքականութեան: Ազաւաղել են հայ ողու կեցուածքը, խորտակել նրա հիմնական շեշտը, թաղել նրա էական իմաստը:

Հայ մակերեսային իմացականութեան մէջ նստած այդ մոնղոլը յարձակուել է բոլոր արժէքների վրայ, սրբապղծել է գաղտնիքը եւ խորհուրդը, տակնուվրայ է արել հողեկան ատաղձը: Ահա՛, նա ներկայ է եւ այստեղ: Եկեղեցին մեծցնելու պատրուակով նա քանդել է ետեւի կողմը եւ այստեղ, Արարատի առջեւ, հնադարեան եւ հիմնական այդ ոճի դժաւորումներին նա կպցրել է իտալական վերածննդեան ճարտարապետութեան մի արտաոռց մաս: Եկեղեցիի դիմաց նա շինել է կեղծ հայկական ոճով դրաղարանի մի շէնք եւ խուցեր՝ վարդապետների համար: Միշտ նոյն մտայնութիւնը: Այն, որ Սասունցի Դաւիթը կանոնաւոր ոտանաւորի է վեր ածել, այն, որ ժողովրդական միամիտ պատկերները առնելով կեղծ ազգային բանաստեղծութիւններ է շինել. այն, որ բայաթիւնները եւ դուրթանի երգերը, երկու մատով, դաշնամուրի վրայ է նուազում. այն, որ հայկական սճր բաց նամակների վրայ տպուած դունաւոր եւ աժան լուսանկարների է ենթարկել. այն, որ սազի վրայ եւրոպական քայլերք եւ բոմանս է փորձում. այն, որ հայ երկաթագիրները, պարբերականների վրայ, խառնում է քառասուն տարի ազաջ Եւրոպան հալածող “nouveau stlye”ի հետ- այն, որ զանազան «Գեղունիների» մէջ, իտալական, փողոցները վազող աժանութիւնները զուգում է հայ պատմութեան հետ, արեւմտեան ճաշակ տարածելու պատրուակով եւ Կիօզայի կարմըրաթուշ կանանց ձեռքին ոչ մի բան չլուսաւորող ջահ պնում. ու, վերջապէս, այն, որ ամէն տեղ Արարատ է նկարում ու Արազածը պղղծում, կարծելով, որ ուր ոչիլ, ազիտութիւն